

欽定大清會典事例

欽定大清會典事例卷二百五十八

戶部

俸餉

各省兵餉四

道光元年奏准山西省太原城守尉駐防存城馬原額二百五十匹。嗣裁一百匹。仍留一百五十匹。每年每匹加增黑豆三石。草乾銀一兩二錢六分。在裁馬節省豆石草乾內動支。所餘銀兩添挑養育兵四十名。每名每月連米折共支銀一兩三錢。仍有餘贍。添給該營孤寡養贍。○又題准雲南省開化鎮兵糧。春夏秋三季歸文

山縣支放。冬季歸安平同知支放。遇閏加增。○  
又奏准伊犁鎮標中左右六營額設馬一千五  
百五十八匹。春冬收槽六百匹。牧放九百五十  
八匹。夏秋收槽四百匹。牧放一千一百五十八  
匹。其節省銀兩貼補麩草並賞給兵夫工食煤  
炭皮襖皮靴。及因公出差盤費等用。○又覆准  
甘肅省長武邠州二營改歸陝西省西鳳營管  
轄。歲需錢糧由西鳳營支銷。○二年奏准直隸  
省保定駐防原設養育兵十一名。每名月支銀  
一兩。隨餉估撥添設養育兵五十名。每名月支

銀一兩。在綠營餘贍馬乾生息銀內動支。○又奏准甘肅省甯夏滿營兵糧半本半折。折色每石給銀二兩。本色分作十分七分半。本色二分半折色。○又奏准直隸省大名鎮新設食二兩餉銀步兵一百七十二名。於該旗各營食一兩餉銀步兵內拔補所需月餉。以裁兵餉銀支給。○五年奏准直隸省良鄉駐防兵米一千二百三十餘石。因通州陸運經由石道折耗過多。照霸州東安領米之例。改由水運。所需運腳銀一百三十兩零。於地丁項下支給。○又奏准各營

內曾經出征效力年逾五十之退伍兵丁並年未五十實因出征受傷患病致成殘廢如有子弟在營食糧者月給餉米三斗無子弟在營食糧者給予守糧一分以資養贍均以離營之日起即行呈明分別支給若離營之日並未報明前情數年後始補報請領者一概不得支給。○六年咨准千把外委曾經出師打仗受傷續經辭退告休年在五十以上者給予步糧一分以資養贍如該弁曾經出師打仗因傷疾舉發或年老力衰以致弓馬生疏不能差操經督撫咨

革勒休者。查明該弁實無產業可倚。及無子弟  
在營食糧。亦給予守糧一分。均令於離營日即  
行呈明。方准給予。若有子嗣產業可倚。並軍政  
案內休革緣事黜革。及離營時並未呈明。續經  
補報者。均毋庸給予。○又咨准出征陣亡病故  
兵丁。若子弟內有可以訓養成材者。即令其頂  
補本兵糧餉。以資養贍。如並無子弟。及子弟幼  
小。不能食糧者。月給半餉銀五錢。米三斗。不扣  
朋建。遇閏加增。統俟其子弟長成。食有名糧。或  
該故兵所遺眷屬俱已亡故。立即裁汰。至有已

成丁子弟身染廢疾。或續經事故。及先因謀生有賴。不願支食。繼因窮迫請領者。由該管州縣查明出結。亦准續行補給半餉。均於呈請之日起支。不准裁領。○七年咨准浙江省綠營公費。每年約需銀一萬九千六百八十九兩有奇。於地丁項下動撥。○又奏准福建省各營戍臺班兵。每年於額餉外賞銀四萬兩。分給該兵內地家口。以資養贍。又月給眷米一斗。遇閏加增。延平。建甯。邵武。汀州。福甯等營。每石折給銀九錢。福州。興化。泉州。漳州等營。每石折給銀二兩。○

又奏准直隸省裁撤天津水師營。所有原撥天津縣每年徵收挂甲寺等處地租銀一千二十餘兩。留歸天津鎮經管。分給葛沽海口。並所轄運河各營汛。作為催漕緝私。並看守礮臺弁兵津貼之用。其租糧自數十石至百餘石不等。除完正賦外。餘給各兵食用。○又奏准原撥天津水師營鹽斤加價項下運庫生息裁贖銀二千五百六十餘兩。分撥正定鎮銀一千兩。河間開州。兩協銀各三百兩。順德廣平。磁州。東明。杜勝。長垣。六營各一百兩。宣化鎮營三百六十餘兩。



○又奏准直隸省正定鎮每年徵收叛產地租銀四百七十餘兩改歸大名鎮就近取租分別辦公○又奏准各省提鎮以下等官不得將役使之入挂名營伍濫占名糧如有藉名當差在署驅使者一經查出除將該兵丁黜革仍將該管員弁照例議處○八年奏准熱河十園官馬每年出差時除原額備差馬八十匹外再添留差馬四十匹應需馬乾銀三百二十兩遇閏加銀八十兩在庫存生息公用二項存款內撥銀五千兩發商按月一分生息遇閏加增每年所

得息銀除應支馬乾外。餘贍銀兩。按年分給十  
圖俾資棚槽器具之用。○又奏准山東省德州  
駐防添設餘兵一百五十名。在四旗間散壯丁  
內挑選與馬甲一體操練。每名月給銀一兩。○  
九年奏准直隸省山海關監督徵收稅課贏餘  
項下借動銀二萬兩。交永平府發商按月一分  
生息。每年所得息銀二千四百兩。以一千二百  
兩歸還稅課。其餘一千二百兩。同遇閏加增銀  
二百兩。作山海關八旗兵丁出差盤費。該班兵  
丁冬月鑪火。以及操演獎賞。並各處公所歲修

等項之用。○又奏准直隸省熱河額魯特總管一員。拴馬四匹。副總管參領各一員。各拴馬三匹。佐領二員。各拴馬二匹。驍騎校並六品頂戴養鷹頭目三員。各拴馬一匹。每月每匹各支給馬乾銀二兩。除夏季出青扣繳外。餘俱按月支領。統由戶部給發。○十年奏准廣東省廣州駐防滿洲漢軍間散旗丁。給予養贍銀兩。在司庫扣存平餘武職空缺養廉米耗贏餘息銀項下動支。滿洲八旗每年總撥銀一千兩。每名口月給銀五錢。漢軍八旗每年總撥銀四千兩。按照

名口多寡分別有餉無餉。均勻散給。又題准  
熱河

宮倉並古北口等處駐防不敷兵米。由都統奏明  
採買報銷。所需價銀。於冬撥估餉冊內撥給。  
又奏准。廣西省提標五營。每年徵收田牛租穀  
七十六石零。隨時變價。又租銀四兩九錢九分。  
同歷年積存銀三千九百餘兩。每年青黃不接  
之時。馬兵借穀二石。折銀一兩一錢。戰兵借穀  
一石五斗。折銀八錢二分五釐。守兵借穀一石。  
折銀五錢五分。在各兵八九十三箇月餉銀內。

扣清解交柳州府庫收存。○又覆准廣東省大鵬營改為左右二營。分駐巡緝。駐紮大鵬所城。作為左營。駐紮東涌。新建所城。作為右營。新添千總一員。把總二員。外委三員。歲需俸薪等項銀兩。由該省水師各協營酌裁馬匹。節存餉料項下動支。○又奏准山西省撫標左右二營及太原鎮標各兵。應支月米。本折兼放。本色月給米三斗。折色月給銀三錢。津貼銀三錢。其津貼銀兩。在河東道庫銷價生息銀內動支。○十三年奏准湖南省江華縣屬錦田地方。增設防兵。

四百名內步兵二百名。每名歲需餉銀一十八兩。米折銀二兩一錢六分。守兵二百名。每名歲需餉銀一十二兩。米折銀二兩一錢六分。共歲需兵餉米折銀六千八百六十四兩。在通省裁馬節餉項下動支。○又咨准江甯駐防兵丁買補倒缺馬匹。每匹價值總不得過十四兩九錢四分。在各兵扣存旗庫馬價銀內動給。按二十箇月扣餉歸還。其買補馬匹。按照倒缺數目。覈實購補。不得任意浮買。○十四年咨准山西偏關營歲需兵米。於偏關五寨三縣餘賸豆穀內

折支。○又奏准直隸省通州協務關路南營弁兵派催漕糧。給予盤費銀共六百兩。通州協歲支銀四百兩。務關路歲支銀二百兩。○又咨准洪澤湖添設水師營。於漕標海州營錢家集裁撥都司一員。把總一員。經制外委一員。額外外委二員。馬步守兵一百四十名。移紮該處。作為內河水師。隸河標中營兼轄。所有俸薪養廉餉乾米折及本色米石。於錢家集額內裁除。入於河標額內造報。又添設千總一員。經制外委一員。所需俸薪養廉。於該營裁兵節省餉乾銀內

抵支添設額外外委二名仍食本身糧餉添設步守兵八十名於劉河營及狼山鎮標中左右三營裁撥以上折色兵米均按水師營例每石折銀九錢五分又河標中營舊城汛原設把總一員改為千總所增俸薪養廉於裁兵節省餉乾銀兩抵支添設額外外委二名仍食本身糧餉並添派本營兵二十名又廟灣水師右哨添設把總一員八灘司巡檢添設經制外委一員所需俸薪養廉於該營裁兵節省餉乾銀兩抵支均按年造冊報銷。又奏准江西省各營公



費。每歲額定銀八千兩。隨同兵餉。於地丁項下  
動撥報銷。○又奏准廣西省綠營公費。每年約  
需銀八千四百一十餘兩。於地丁項下動撥報  
銷。○又覆准貴州省綠營公費。每年約需銀八  
千四百六十兩有奇。於地丁項下動撥報銷。○  
十五年咨准浙江省杭州駐防添設矛槍漢教  
習一名。每月給制錢六千文。在牧租餘贖錢內  
動支。○十六年奏准廣東省廣州駐防添設餘  
兵一百名。滿洲二十名。漢軍八十名。每名月支  
銀一兩。在扣存馬價發商生息項下動支。○十

七年議准

盛京委員請領東三省俸餉等銀。由該將軍等覈計吉林黑龍江應領銀數。即在該二省派出領員內酌撥數員。支給行糧。隨同奉天委員赴部請領。公同防護。其餘未經酌撥之員。仍在奉天守候。俟銀兩解到。會同解回。○十九年覆准。安徽省潁州營艾亭集把總改為守備。歲需廉俸馬乾等銀。除將裁去把總應支各項抵補外。不敷銀兩。在司庫正耗各銀內動支。造入兵馬養廉各奏銷案內。報部查覈。○又覆准。安徽省潁

州營屬美寨集地方添設額外外委一員。仍食本身名糧外。其艾亭集添設外委一員。老觀汎添設協防外委一員。亳州營添設存城外委一員。太和縣屬界首集地方額外改為外委一員。歲需養廉均在司庫耗羨匣費銀內動支。又覆准安徽省潁州營艾亭集添設外委二員。兵丁六十一名。應支秋冬折色兵米。隨餉支領。春夏本色。在阜陽縣徵收漕糧米內截留解支。又覆准安徽省太和縣清泥淺地方移紮額外一員。存城添設額外一員。沙河一道添設哨官

一員。壽春鎮屬鳳橋集。安樂集。添設哨官二員。各帶水手兵十名巡緝。在馬兵內拔補。仍食糧餉。哨官每名日支盤費銀八分。燭火銀四分。兵丁每季每名支銀二兩。在司庫間款內動支。○二十年奏准湖南省鎮算。乾州鎮溪河溪四營。向支兩箇月零四日折色米石。自道光二十年起。改支本色。○又咨准四川省青雲營改營為汛。歸併城守右營。存留汛兵一百十九名。歲需米折。仍照青雲營制。每斗折銀一錢六分三釐支給。○又咨准四川省馬邊營改營為協。額添

公費銀三百四十二兩五錢添設右協營額定  
公費銀一百九十七兩四錢添設普安右營額  
定公費銀三百九十兩新設保安營額定公費  
銀三百八十七兩八錢新設鎮遠營額定公費  
銀二百兩又甯越營添公費銀一百六兩均按  
年將支存數目造冊題銷○二十一年咨准四  
川省鎮遠營添給公費銀一百三十九兩保安  
營添給銀一百十五兩二錢由裁兵各營內撥  
出攤給○又咨准四川省松潘右營添撥把總  
二員馬戰兵三百十三名駐紮南坪歲需米折

仍照南坪營舊制。每斗折銀二錢四釐支給。○  
又奏准。廣東省城上大礮。添設礮手四百名。每  
名月給銀二兩。在裁馬節省草料銀內動支。其  
操演礮位搞賞。亦在此款餘銀內給發。○二十  
二年。咨准四川省添設普安右營。撥官兵四百  
四員名。歲需米折銀兩。每斗折銀二錢四釐。按  
年照數估撥。○又咨准廣東省陸路各營。裁撤  
步兵一百四十四名。守兵三百三十六名。歲存  
糧餉等銀。按年造入季冊。報部撥用。○二十三  
年。議准江南省福山鎮添設水師總兵一員。標

下應設三營。即以福山原設兵七百五十九名。作為中營中軍。蘇松鎮奇營舟師一名。兵七百十五名。改為福山鎮左營。蘇松鎮左右營。兵三百五十三名。改為福山鎮右營。其應支糧餉。仍照各營原額支給。○二十四年奏准廣東省廣州駐防自副都統起至驍騎校止。各員例馬內。裁減馬二百二十二匹。甲兵拴馬內。裁二十匹。每年節省銀二千六百餘兩。由司扣提報撥。○又奏准廣西省提督以下守備以上各員例馬內。分別裁減馬一百三十七匹。每年節省草料

乾銀一千三百餘兩。由司坐扣報撥。○又奏准直隸省山海蒲河樂亭三營路添設官一十二員。兵一千八百一十五名。馬三百四十二匹。歲需米豆草折共銀八千四百二十五兩八分。○又議准山東省登州鎮添設遊擊一員。千總一員。把總二員。外委四員。額外外委五員。戰兵三百二十名。守兵八十名。俸廉馬乾米折等項。無閏之年需銀九千六百餘兩。有閏之年需銀一萬三百餘兩。在該省裁減驛站水夫工食等項銀一萬三千餘兩內。按數動支。餘銀仍造入季



冊報撥。又覆准湖北省漢陽營添設鼇脊大戰船六隻。快哨船四隻。大船二隻。計派撥常操兵一百名。由水師營挑撥。每名除支本身名糧外。月給口糧錢六百文。管帶千總一員。月給薪水錢五千文。每年大閱二次。每次派撥水兵三百二十四名。每名給飯錢一百文。槍礮長矛等兵三百三十六名。每名給飯錢五十文。歲需錢一千串有奇。在發商生息項下動支。二十五  
年覆准駐防滿營由領催武舉中式武進士以營守備選用者。如願在本營差操候選。仍食本

身名糧。俟得缺日即行任支。○又覆准山東省登州鎮添設水師後營。弁兵出哨巡洋。按日賞給口糧銀兩。在捐輸海防經費生息銀內支領。○又覆准山東省登州鎮添設水師後營。由前營撥來守備一員。把總二員。外委二員。額外外委一員。戰兵一百六十四名。守兵二十三名。馬八匹。歲需俸薪餉乾米折等銀四千二百五兩一錢八釐。遇閏加銀三百三十七兩七錢。養廉銀四百十六兩。在前營額估銀內協撥。專案報銷。○又覆准山東省登州鎮添設水師後營。

歲需差費銀七十五兩。遇閏加增銀七兩二錢三分。在捐輸海防經費項下動支。又後營戰船四隻。舵工四名。頭目二名。歲需工食銀一百餘兩。前營撥來戰船四隻。舵工工食等銀一百餘兩。一併在前裁驛站贍款銀內動支。○又覆准浙江省乍浦、澉浦、海甯三營添設水師兵一千二百一十名。內除乍浦滿營移撥兵二百名。仍食原支兵米外。其餘一千一十名。歲需本折米石。在各營裁兵米內。並省倉項下動支。○又覆准廣東省虎門各口礮臺添設千總一員。把總

二員。外委二員。額外外委三員。兵丁五百六十名。歲需俸薪廉餉米折紅白經費等銀一萬二千餘兩。在裁撤屯丁所遺租銀項下動支。○又覆准山東省登州鎮添設水師後營。歲需公費銀六百四十兩。在前裁驛站贍款內動支。其由前營撥來兵丁。原需公費銀二百餘兩。即行刪除。○二十六年題准河南省綠營公費。每年約需銀三千一百八十七兩有奇。在地丁項下動撥題銷。如有餘贍。仍歸還該年地丁原款造報查覈。○又題准湖南省萊陽縣添設兵丁八

十名。歲需米二百八十八石。由衡陽清泉三縣額徵本色米內各半分支。其公費銀五十二兩九錢二分。在抽裁原營內移歸該營支給。○又覆准浙江省提標左營改為水師。派兵二百六十六名出洋配緝所需口糧在緝匪款內動支。○又奏准四川乍丫江卡等汛兵丁所需茶葉自向呼圖克圖及茶商買用。毋庸官為經理。其從前私議塘抵銀兩。於道光二十五年裁革。嗣後儻復蹈前弊。即將該管將備叅辦著賠。○二十七年奏准福建省金廈兩標巡洋口糧在藩

庫收存閩海關稅贏餘銀內動支銀七千四百兩。按年彙入水師口糧冊內報銷。○又覆准廣東省河礮臺配兵一千四百十九名。除原配兵八百九十一名。添配兵五百二十八名。虎門海口礮臺配兵一千六百五十名。除原配兵一千二百五十二名。添配兵三百九十八名。共兵三千六十九名。每兵除額給糧餉外。月增給銀五錢。歲需銀一萬八千四百十四兩。遇閏加增。在水操經費等款內動支。○又覆准廣東省河虎門各礮臺於各營參遊都守中。在省河各礮臺

派委四員。虎門各礮臺派委二員。每員月給薪水銀三十兩。在米耗贏餘項下支給。○又覆准廣東省城添調千總把總六員。帶兵六百名。常川駐紮。一年更換。並督標原駐省兵四百名。管帶官四員。共官十員。兵一千名。除額支糧餉外。每弁月給口糧銀二兩。每兵月給口糧銀一兩。在米耗贏餘項下按月支給。○二十九年覆准浙江省乍浦滿洲營。歲需兵米一萬八千餘石。在嘉興秀水。嘉善。平湖。海鹽。石門。桐鄉等七縣額徵南米內。按月挨次輪解乍浦倉米一千六

百石會營監放。所解之米。如有餘贖。歸於下次抵放。儻有不敷。責令輪放之縣補足。又咨准廣東省新添防臺各兵。每兵月給米三斗。每石折銀二兩。在屯租奏銷案內支給。又覆准雲南省永平縣城並永定汛。龍街汛。漾濞汛。姚關汛。舊乃汛。永昌坡下關。彌渡紅巖。姚州汛。共添募守兵六百四十一名。無閏之年。需餉銀七千六百九十二兩。有閏加增銀六百四十一兩。兵米月支三斗。折銀三錢。無閏之年。需米折銀二千三百七兩六錢。有閏加增銀一百九十二兩。



三錢。在本省鹽課溢餘銀內。一半留存本省常年邊費項下動支。三十年奏准廣東省虎門各礮臺。新舊共設兵三千四百十九名。每名月給口糧銀九錢。除原撥動支水操經費等款外。不敷銀兩。在節省戰船銀內動用。按年歸入臺兵口糧案內題銷。咸豐二年奏准荊州駐防甲兵。拴馬四千匹。除初次裁減馬二千匹外。續裁減馬一千匹。每年節省口分銀八千四百兩。由司提扣報撥。又奏准四川省綠營裁馬三百二十八匹。每歲共裁倒馬價銀七百六十八

兩。節省乾銀三千三百四十五兩六錢。於估撥冊內劃除。造報。○又奏准四川省自提鎮以至都守。各員例馬內。分別裁馬二百一十五匹。每歲節省馬乾銀二千一百九十三兩。由司劃除報撥。○又奏准福州駐防營。裁馬一百二十四匹。每歲節省草豆銀一千五百五十五兩二錢。劃扣司庫入撥。○又奏准福建內地及臺灣各營。裁馬一千零九十匹。歲省馬乾銀一萬三千八十兩。馬價銀四千七百九十六兩。按年提扣入撥。○又奏准四川省駐防營兵丁。實拴馬八百

匹。內裁減二百匹。空馬乾銀三千二百匹。內裁  
馬二百匹。又自副都統起至雲騎尉止。各員例  
馬內。分別裁馬五十匹。歲省馬乾銀六千四百  
八十兩。每年冬撥冊內扣除估撥。○又奏准。福  
建內地及臺灣各營。原設馬兵一千零九十名。  
改為步戰。歲省兵餉銀六千五百四十兩。按年  
提扣入撥。○又奏准。四川省屏山縣添設平安  
營。裁撥各營官兵共六百九員名。作為平安營  
額設官兵。歲需兵米二千一百七十八石。由各  
原營裁撥數內攤給。每斗折銀一錢四分四釐。

六毫共米折銀三千一百四十九兩三錢八分八釐。遇閏加增。按年隨俸餉估撥。○又奏准四川省綠營裁馬三百二十八匹。馬兵改為步兵。每名月省餉銀五錢。計歲省銀一千九百六十八兩。每年估餉冊內劃除報撥。○三年奏准直省兵餉。該督撫於本年將下年四季及再下年春季應支數目。豫行確估。造具清冊。彙同該省實存司庫銀兩。並額徵地丁額徵雜稅清冊各一本。於十月內咨部酌撥。由部按照確數撥給。儻本省不敷。即於鄰近贏餘省分通融協濟。○

又咨准四川省屏山縣添設平安營。裁撥各標鎮協營都司等九員。馬兵二十四名。戰兵二百三十七名。守兵三百三十九名。作為平安營額設官兵。在通省裁兵各營內撥銀六百五兩八錢。作平安營年額公費。如有餘贖。繳還司庫。○又奏准廣東省水陸各營。共裁馬六百七十九匹。每歲節省馬料米六千一百一十一石。草價銀一千六百四兩零。原設馬兵六百七十九名。一律改為步兵。每歲節省餉銀四千七十九兩。均於遞年估餉及兵馬奏銷各冊內。分析扣除。

造報。○四年奏准貴州省各營裁馬七百七十  
九匹。每年節省乾銀九千八百一十五兩四錢。  
奏銷冊內扣除造報。○又奏准山西省撫標左  
右兩營添設千總二員。把總二員。共坐馬八匹。  
馬兵二百名。每名一匹。官兵共添馬二百零八  
匹。冬春每匹月支料九斗。草六十束。豆每石折  
銀四錢六分。草每束折銀七釐。夏秋每匹月支  
乾銀九錢。歲需料草乾銀二千一百六十四兩  
三分二釐。奏銷冊內開支造報。○又奏准山西  
省城添設練兵一千名。分隸撫標左右兩營。每

營各添千總一員。把總一員。經制外委四員。額  
外外委四員。共添設員弁二十名。歲需俸銀一  
百六十八兩。兵餉銀一萬九千二百兩。兵丁米  
折銀四千八百兩。於估撥冊內開支造報。○又  
奏准山西省撫標太原大同兩鎮各營共裁兵  
二千九十五名。歲省餉銀三萬二千七百九十  
六兩。於估餉冊內扣除報撥。○又奏准廣東省  
駐防旗營添設漢軍餘兵二百名。作為挑補漢  
軍餘丁額缺。每名月支餉銀一兩。在藩庫養贍  
息銀內撥給。○又奏准貴州省各標鎮協營共

裁兵四千七百一名。又裁馬改步兵七百七十九名。每年計省餉銀七萬五千九百五十四兩。估撥冊內扣除造報。○五年奏准湖南省綠營操馬一千八百三十三匹。內酌裁十分之二。共裁馬三百六十九匹。馬兵三百六十九名。改為戰兵。每年節省乾銀三千七百六十三兩八錢。餉銀二千二百一十四兩。馬價銀一千五百五十四兩。於冬撥估餉冊內扣除造報。○又奏准雲南省裁汰步兵二千五百十七名。守兵一千四百六十五名。計歲省餉銀六萬二千八百八



十六兩。米一萬四千三百三十五石二斗。每年估餉及兵馬奏銷冊內扣除造報。○七年咨准山西省壺關縣設立把總一員。馬兵四名。步守兵四十六名。歲需俸餉米折銀九百四十八兩。馬乾豆草折銀六十二兩四錢二分四釐。於估餉冊內開支造報。○八年奏准河南省歸德營改為歸德鎮。添設總兵一員。遊擊一員。都司一員。守備二員。千總六員。把總八員。經制外委四員。額外外委八員。添馬兵二百八十名。守兵一千一百二十名。無閏之年額支餉米乾銀三萬

七十二兩。有閏之年額支餉米乾銀三萬二千五百六十四兩。在通省役食銀內扣提給發。○九年奏准福建省臺灣澎湖等處戍守班兵五年更換。由內地各營抽撥分作五起。派往廈門聽候水師陸路提督點驗配渡。每年調換一起。統限四年換竣。至第五年停換一年。周而復始。每起均限七月初一日出營。新舊糧餉統於十月初一日起住支給。該督仍按年將起住糧餉日期報部查覈。○十年奏准河南省歸德鎮續添馬兵一百二十名。守兵四百八十名。無閏之

年額支餉米乾銀一萬二千八百八十八兩有  
閏之年額支餉米乾銀一萬三千九百五十六  
兩。每年酌提山西省裁兵節省項下一萬四千  
兩解豫給發。餘賸銀兩報部候撥。○十一年奏  
准山西省太原鎮東南各營添兵三千五百四  
十名。分裁太原鎮西路及大同鎮各營兵三千  
五百十三名。節省本色米豆撥給新添各營兵  
米。查照兩鎮估定折價。變解司庫改放折色。以  
省運費。○又奏准山西省太原大同兩鎮屬共  
裁馬兵三百八十六名。添設太原鎮東南各營

馬兵三百二十六名。所裁馬乾抵給添設馬兵外。多裁馬六十匹。歲省馬乾銀兩。於估撥冊內扣除報撥。○同治元年奏准。凡統兵將弁。如有攜餉潛逃。或私帶軍械。一面奏明通緝。嚴拏務獲。其侵吞餉銀器械。勒限如數繳出。仍各計贓科罪。○又奏准。豫河營裁都司一員。守備三員。千總二員。把總一員。分防外委六名。額外外委十三名。戰兵三十四名。守兵六百二十三名。歲節省馬乾餉米等銀一萬四百一十一兩四錢四分。○又奏准。懷河營裁守備一員。分防外委

二名。戰兵十六名。守兵一百二十三名。歲節省馬乾餉米銀二千一百九十七兩四錢四分。又奏准東省黃河營裁守備二員。千總一員。把總一員。戰兵四十名。守兵二百三十名。每年節省銀四千二百九十三兩六錢。二年奏准順天府四路同知捕盜營。每路添設經制額外外委各一員。每路各添設兵一百名。除官例馬外。四路共備馬三百二十四匹。所需廉俸餉乾等銀。在東南兩路起運地糧銀內。每年提銀二萬三千五百兩。按季撥給。仍將用過細數題報覈銷。

○三年奏准。河南省歸德鎮會亭營參將。移紮永城。改為永城營。撥左營馬守兵二百名。右營馬守兵一百名。同原額兵共九百十九名。其向隸會亭營之睢甯。二汛。以甯陵汛改隸左營。睢州汛改隸右營。歲需俸糧銀兩。均照各原額支食。○又奏准。楚軍營制五百人為一營。營官哨官長夫在外。每營營官一員。月給薪水銀五十兩。辦公費銀一百五十兩。哨官四員。每員日給銀三錢。哨長四名。每名日給銀二錢。什長三十名。每名日給銀一錢六分。親兵六十名。護勇

二十名。每名日給銀一錢五分。正勇三百三十  
六名。每名日給銀一錢四分。伙勇四十二名。每  
名日給銀一錢一分。長天一百八十名。每名日  
給銀一錢。凡新立營頭。奉札招勇。挑定後。每名  
日給小口糧錢一百文。帶至大營。派員點名。後  
再行起支大口糧。又奏准。凡統領自帶一營。  
本營之薪水公費及夫價已足數用。此外從優  
酌加。統至三千人以上者。每月加銀一百兩。夫  
十名。統至五千人以上者。每月加銀二百兩。夫  
二十名。統至萬人以上者。每月加銀三百兩。夫

三十名。○又奏准楚軍馬隊二百六十三人為一營。伙夫長夫在外每營管官一員。月給薪水並馬乾銀五十兩。公費銀一百兩。馬四匹。幫辦一員。月給銀十六兩。馬一匹。字識一名。月給銀九兩。馬一匹。正哨官四員。每員月給銀十八兩。副哨官六員。每員月給銀十五兩。各給馬二匹。什長二十五名。每名日給銀二錢六分。馬勇二百二十五名。每名日給銀二錢四分。各給馬一匹。伙夫三十一名。每名日給銀一錢一分。長夫五十名。每名日給銀一錢。○四年奏准淮軍步



隊五百五人為一營。長夫在外。每營營官一員。月支薪水公費銀二百兩。哨官四員。每員月給銀九兩。哨長四名。每名月給銀六兩。親兵什長六名。各哨什長三十二名。每名月給銀四兩八錢。親兵六十名。護勇二十名。每名月給銀四兩五錢。正勇三百三十六名。每名月給銀四兩二錢。伙勇四十二名。每名月給銀三兩三錢。長夫一百八十名。每名月給銀三兩。全營月給柴草銀一百一十兩零一錢六分。○又奏准准軍馬隊四百九人為一營。每營營官一員。月支薪水

馬乾公費銀一百五十兩。馬四匹。幫辦二員。每員月支銀十六兩。馬各一匹。哨官四員。每員月支銀二十兩。馬各一匹。書識五名。每名月支銀六兩。督隊五名。每名月支銀九兩。馬各一匹。哨長二十名。每名月支銀十兩八錢。馬各一匹。護勇十六名。每名月支銀四兩五錢。馬勇二百四十名。每名月支銀七兩二錢。馬各一匹。伙夫二十七名。每名月支銀三兩三錢。馬夫四十四名。長夫四十五名。每名月支銀三兩。○又奏准准軍水師長龍一號。舢板二十號。為一營。長龍每

號。艙長一名。舵工一名。頭工一名。礮手四名。漿  
勇二十一名。舢板每號舵工一名。頭工一名。礮  
手二名。槳勇十二名。內有督陣先鋒長龍舢板  
每號加槳勇二名至六名不等。營官一員。月給  
薪水公費銀一百五十兩。每船哨官一員。月給  
薪糧十二兩。艙長日給銀一錢六分。舵工日給  
銀一錢五分。頭工礮手各日給銀一錢四分。槳  
勇日給銀一錢二分。○六年奏准福建省陸路  
各營裁減兵丁五成。以裁贖之餉。加給挑練之  
兵馬兵月加餉銀七錢。步兵月加餉銀一兩五

分守兵月加餉銀一兩四錢。官馬月加草乾銀五錢。每營各添設稿識二十八名。號令七名。楓嶺營事簡添設稿識十四名。號令三名。每名俱月給餉銀一兩米三斗。各營新增公費銀九千一百一十兩。在裁贍養廉銀內撥給。○七年奏准福建省水師各營。比照陸營裁兵五成。以贍餉。加給練兵戰兵每名月加餉銀一兩五分。守兵每名月加一兩四錢。舵炊不給加餉。稿識號令共添設五百六十名。每名月給餉銀一兩米三斗。各營公費新增銀三千一百餘兩。在裁贍

養廉及米折銀內撥給。○又奏准臺灣孤懸海外島嶼四通水陸各營兵丁視地勢之險易營汛之繁簡以分多寡而定去留裁減二成三成四成不等馬步守兵每名官馬每匹及添設稿識號令均照內地月加餉乾月給銀米各數目一體支給。○又奏准福建省陸路各營添設稿書書識於月給銀米外加給工食筆墨之費即在新增公費項下造銷福州協兩軍暨外標各營續增公費銀一千四百六十四兩在裁臆米折銀內動支。○又奏准浙江省裁兵增餉節省

廉俸等項銀兩。統歸營中公用。按每兵百名。除額定公費四兩零外。每月酌增公費。不逾四兩之數。造入兵馬題銷冊內。報部查覈。○又奏准浙江省綠營。各標鎮協三十八營。減存額兵二萬三千二百三十名。所減之餉。加於所存之兵。馬兵每名月加餉銀一兩。乾銀五錢。戰兵每名月加銀一兩。守兵每名月加銀五錢。儻有不敷。於兵米變價項下補足。○又奏准浙江省添設嘉湖水師五百名。分隸嘉湖兩副將兼轄。月需餉銀。在節省餉米數內提支。○八年覆准。安徽

省添設龍山營遊擊一員。守備二員。千總二員。把總四員。外委六員。額外外委十一員。哨官一員。馬戰兵八十名。步戰兵一百六十名。守兵五百六十名。坐戰馬一百六匹。歲支俸薪等銀六百五十二兩七錢四分七釐。餉銀九千八百八十八兩。兵米二千八百八十石。馬乾銀一千三百三十五兩六錢。均在本省地丁銀內動支。歲需養廉銀一千五百八兩。在本省耗羨銀內支給。○又奏准浙江省各營另設稿書書識共六百七十二名。稿書月給辛工銀四兩五錢。書識

月給辛工銀三兩六錢。不得侵占兵額。歲需辛工銀三萬八百十二兩四錢。隨餉估撥。○又奏准福建省水陸各營舊額公費。每年約需銀二萬三千八百六十九兩有奇。除由司坐扣硝價等項外。餘銀分作三成。以二成存司修製軍裝。一成發營備用。新增續增公費銀一萬三千六百餘兩。全數給營備用。覈實動支。各歸各款項。下造報。儻查有攤扣兵餉積弊。嚴叅懲辦。○九年奏准直隸省練軍步隊五百人為一營。伙夫長夫在外。每營營官一員。月給薪水銀五十兩。



辦公費銀一百兩。哨官四員。每員月給薪水銀  
十兩。哨長五名。每名月給口糧銀六兩。什長四  
十名。每名月給口糧銀四兩二錢。親兵五十名。  
護兵四十名。每名月給口糧銀三兩九錢。正兵  
三百六十名。每名月給口糧銀三兩六錢。伙夫  
長夫。每名月給口糧銀三兩。每營月支柴薪銀  
一百四十兩。○又奏准直隸省練軍馬隊三百  
一十六人為一營。每營營官一員。月給薪水銀  
五十兩。馬乾銀十二兩。公費銀一百兩。幫辦二  
員。每員月給薪水銀十兩。馬乾銀六兩。字識一

名月給薪水銀六兩。馬乾銀三兩。哨官四員。每員月給薪水銀十二兩。馬乾銀六兩。督隊官五員。每員月給薪水銀九兩。馬乾銀三兩。什長二十五名。每名月給口糧銀四兩五錢。馬乾銀三兩。親兵二十名。每名月給口糧銀四兩二錢。馬乾銀三兩。正兵二百五名。每名月給口糧銀四兩。馬乾銀三兩。伙兵三十一名。馬夫二十二名。每名月餉三兩。每營月給柴薪銀八十兩。○十年奏准守護

東陵添設養育兵八十八名守護

西陵添設養育兵五十六名。每名月給餉銀一兩五錢。遇閏加增。按八成實銀支給。在直隸省藩庫按季隨餉撥給。年終題報覈銷。○又奏准山西省撫標練兵一千名。改設馬兵一百六十名。步兵八百四十名。每營添設千總一員。把總一員。所需俸廉乾銀。於裁改兵丁節省款內動支。○又咨准湖南省綠營公費。每年約需銀一萬一千六百餘兩。又苗疆營汛。歲增公費銀二千四百六十一兩八錢。並於地丁項下動撥報銷。○十一年奏准臺澎水陸各營。增設公費。歲共給銀

五千八百十七兩。在臺灣各營餘賸米折銀內  
動支。○又覆准順天府添設捕盜中營弁兵。歲  
需銀二千七百三十餘兩。由順屬各州縣地糧  
項下提解給發。年終彙入四路捕盜營案內題  
報覈銷。○又咨准甘肅省新設化平營都司一  
員。經制外委一員。兵丁一百十四名。所需糧餉  
馬匹料草公費等項。分別列入甘省地丁兵馬  
各奏銷案內造報查覈。○十二年奏准戍臺班  
兵每名月支眷口米一斗。上下游俱按每米一  
石折銀二兩。支給福建內地及臺灣水陸各營。

字識號令手。照兵丁例一體給予白事賞銀。○  
十三年奏准。索倫南路四臺。並因哲爾德坐臺  
官兵共七十一名。每名給馬一匹。冬春二季。每  
馬月給乾銀三兩。以資餵養。○又覆准。粵軍步  
隊五百人。為一營。營官長夫在外。每營營官一  
員。月支薪水銀五十兩。辦公銀一百五十兩。哨  
官四員。每員月支口糧九兩。什長三十八名。每  
名月支口糧銀四兩二錢。親勇六十名。護勇二  
十名。每名月支口糧銀三兩九錢。正勇三百三  
十六名。每名月支口糧銀三兩六錢。伙夫四十

二名。每名月支口糧銀三兩三錢。長夫一百三十名。每名月支口糧銀三兩。出省長征。什長。親勇。護勇。正勇。每名日加口糧銀二分。又覆准廣東省內河水師營官。帶船二十號以上。月支薪水銀五十兩。公費銀一百五十兩。帶船十號以上。月支薪水銀五十兩。公費銀五十兩。帶船數號以上。月支薪水公費銀五十兩。每船哨長一名。月支銀十二兩。舵工一名。月支銀四兩八錢。如以步兵充補。扣除餉米銀一兩八錢。實支銀三兩。按船之大小。酌配水勇。每名月支銀四

兩二錢。如以步兵充補。扣除餉米銀一兩八錢。實支銀二兩四錢。以守兵充補。扣除餉米銀一兩四錢。實支銀二兩八錢。又覆准廣東省外海水師統帶官。帶船十號以上。月支薪水銀五十兩。公費銀一百五十兩。帶船數號以上。月支薪水銀五十兩。公費銀五十兩。每船管駕官一員。月支銀十八兩。舵工一名。月支銀十二兩。按船之大小。酌配水勇。每名月支銀五兩。其以步守兵充補。舵工水勇。照內河章程。一律扣除餉米銀兩。○光緒元年

諭崇禮奏辦公需款請撥銀兩等語。山海關旗營操防一切均關緊要。自應量為籌撥。著李鴻章飭令山海關道於該衙門稅務項下。無論何款。每年籌撥銀四百兩。自光緒二年起。按年撥交該營。作為常年津貼經費。俾資應用。○四年咨准陝西省新設三要司營兵丁。照商州協屬營制章程。一律給予加米銀兩。○六年奏准江西省陸勇裁存四千五百餘名。分作十四營。駐紮各郡扼要防守。共用長夫一千六百餘名。每名月給口糧八折實銀二兩四錢。自光緒六年四月初一日起。



裁減三成以節餉項。又奏准江西省九江湖  
口修築礮臺需兵防守酌減水勇五百餘名改  
募陸勇六百名以裁撤水勇口糧移作陸勇餉  
項照章覈實支給。又奏准吉林赫哲添設協  
領一員佐領四員防禦二員驍騎校四員筆帖  
式二員領催二十名披甲四百名所需俸餉銀  
兩暫由部撥防餉內動用俟三姓放荒事宜辦  
妥即在荒地租錢內取給。○七年奏准直隸省  
張獨多三廳理事同知改為撫民同知張家口  
副將移紮多倫廳並添設張家口外委一員馬

兵三十九名。獨石口馬兵二十名。多倫廳添設捕盜營制千總暨把總外委各一員。馬兵三十九名。仍歸廳員管轄。應添俸廉糧乾等項。在各該廳經徵升科地糧內留支劃抵。○八年咨准福州城守協左右二軍。每軍歲領公費銀三百五十兩。在餘賸公費款內動給。○九年咨准雲南省各屬駐防練軍及邊防關外各營口糧。豫給商戶資本採買。屆時由商運送供支。每石給價銀三兩八錢。不另開支運腳。○又奏准湖北省宜昌府屬沿江險灘添設救生紅船二十七

隻頭舵水手領哨及書識薪水。照水師月餉章程給領。每年共需銀五千七百餘兩。在宜昌川鹽局五成充餉公費項下就近提支。○十一年奏准河南省防河兵丁按百名裁汰五名十名不等。河標及豫河懷河運河七營共裁兵二百四名。每年節省餉銀三千三百餘兩。○又奏准河南省標鎮協各營裁減馬守兵七百五十九名。每年節省餉乾銀一萬五千九百餘兩。除抵支歸德鎮續添兵餉外有餘銀兩入冊報撥。○又奏准湖北省防營裁留步隊九營馬隊二營。

水師八營。並護運礮船一隊。計留馬步水師營官十九員。哨官二百五十五員。什長。舵工。及馬步水師正勇共七千三百四十三名。計裁步隊十四營。及哨隊等項馬步水師正勇共七千八百零五名。歲節餉銀四十九萬餘兩。○十二年。咨准四川省標鎮協各營。按照原額兵數。裁減一成。馬戰守兵三千三百九名。尚存馬戰守兵二萬九千七百七十二名。自光緒十一年夏季起。應領兵餉米折銀兩。照裁減數目支發。○十三年。咨准山東省河防。改募勇丁八營。委熟悉

河工之員管帶並其舊部二營共成十營分駐  
上下游上游為河定五營下游為河成五營新  
募之勇每營五百人勇六夫四勇丁月支口糧  
銀三兩土夫月支口糧銀二兩四錢除舊部二  
營正勇口糧向在善後局支領外其督率新募  
八營每月各支公費銀一百兩各帶文武隨員  
四員按品支給口分同勇夫口糧均歸防汛經  
費內發給○又咨准山東省濬河船隻照水師  
營辦理管帶官一員月支薪水公費銀五十兩  
幫帶以二員薪糧及管帶官油燭紙張等項共

月支銀七十五兩。哨弁十一員。每員月支薪糧銀六兩。舵工四十名。每名月支口糧銀四兩二錢。頭工四十名。每名月支口糧銀四兩。礮手二十名。每名月支口糧銀三兩九錢。水勇二百八十八名。每名月支口糧銀三兩。又善後水師利捷營內。奉派防河。幫同運料巡防哨弁三員。舵工頭工各十名。水勇四十名。應支薪糧口分。亦照水師營支領。歸於防汎項下造銷。○又奏准山西省歸薩。豐甯和。托六廳。向徵本色米石。供綏遠城兵糈。嗣改徵折色。每米一倉石。折徵銀一兩。

六錢以一兩五錢解交綏遠城糧餉同知衙門。按每倉石價銀一兩三錢採買上色好米放給旗兵以二錢作辦公經費。餘銀一錢留作各廳補平火耗紙筆之需。又奏准新疆步隊一營以四百九十八人為定額。私夫在外每營營官一員。除每歲廉俸等項銀兩照章支領外。每月加製辦旗幟號衣銀六十兩。私夫十六名。每名月支銀二兩七錢。營書四名。每名月支銀六兩。前左兩哨哨長千總二員。右後兩哨哨長把總二員。巡查經制外委二員。除每歲廉俸等項銀

兩。照章支領外。每員加私夫二名。每名月支銀二兩七錢。親兵什長額。外委六名。每名月支銀四兩五錢。各哨哨長三十二名。每名月支銀四兩二錢。親兵六十六名。哨書護兵二十名。每名月支銀三兩九錢。正勇三百二十名。每名月支銀三兩六錢。伙夫四十三名。每名月支銀三兩。步隊一旗以三百六十七人為定額。私夫在外。每旗旗官一員。除每歲廉俸等項銀兩。照章支領外。每月加製辦旗幟號衣銀五十兩。私夫八名。每名月支銀二兩七錢。營書三名。哨長三



員。巡查一員。親兵什長四名。各哨哨長二十四名。親兵四十四名。哨書護兵十五名。正勇二百四十名。伙夫三十二名。悉照步隊營制支給。又奏准新疆馬隊一營。以二百五十人為定額。伙夫。私夫。馬夫。在外。每營營官一員。除每歲廉俸等項銀兩。照章支領外。每月加製辦旗幟號衣銀五十兩。私夫十六名。每名月支銀二兩七錢。營書三名。每名月支銀六兩。馬夫各半名。月支銀一兩三錢五分。月支雜費銀六錢。前左兩哨哨長。千總二員。右後兩哨哨長。把總二員。巡

查經制外委二員除每歲廉俸等項銀兩照章支領外每員加私夫二名每名月支銀二兩七錢親兵領旗額外外委二名每名月支銀四兩五錢馬夫各半名月支銀一兩三錢五分子月支雜費銀六錢各哨領旗二十名每名月支銀四兩二錢馬夫各半名月支銀一兩三錢五分子月支雜費銀六錢親兵十八名哨書護兵二十名每名月支銀三兩九錢馬夫各半名月支銀一兩三錢五分子月支雜費銀六錢馬勇一百八十八名每名月支銀三兩六錢馬夫各半名月支銀

一兩三錢五分。月支雜費銀六錢。伙夫二十七名。每名月支銀三兩。營書額外外委及領旗親兵。哨書護兵正勇。每名騎馬一匹。每匹月支馬乾銀二兩四錢。馬隊一旗。以一百二十六人為定額。伙夫私夫馬夫在外。每營營官一員。除每歲廉俸等項銀兩。照章支領外。每月加製辦旗幟號衣銀二十五兩。私夫八名。每名月支銀二兩七錢。營書二名。哨長二員。巡查一員。親兵領旗三名。各哨領旗八名。親兵二十七名。哨書護兵十名。馬勇七十二名。伙夫十四名。悉照馬隊

營制數目支給

謹案以上楚軍淮軍營制及各省勇營薪糧皆一時權宜之制

非同額兵餉給經久不廢惟支銷各款庫帑攸關是以備列

○又議准新疆

烏魯木齊巴里坤旗營遷併古城分設六旗共

設官二十二員馬步甲礮手匠役養育兵一千

名所需俸餉等項照章支給○十六年奏准雲

南省戰兵一營官弁戰兵四百二十七員名內

營官一員月支薪水銀三十兩公費銀二十兩

哨官四員每員月支薪水銀九兩文案一員月

支薪水銀八兩收支兼軍裝一員月支薪水銀

六兩差官二員哨書四名由中哨戰兵內提充

每名月加津貼銀五錢。什長四十二名。每名月支餉銀一兩八錢。加練餉九錢。米三斗。戰兵三百七十八名。每名月支餉銀一兩五錢。加練餉九錢。米三斗。圍營共用水火夫五十一名。每名月支餉銀一兩。米三斗。○十七年咨准新疆巴里坤東廠牧馬兵丁添設二十名。每名於正餉外。歲支鹽菜銀七兩二錢。靴鞋銀三兩六錢。

欽定大清會典事例卷二百五十九

戶部

俸餉 優恤俸餉一

優恤俸餉○順治二年題准。覺羅幼丁。每人月給銀二兩。○十年題准。世爵無子。係兄弟承襲者。所支俸銀祿米。與故官之母妻均分。至舊給田園。留與故官母妻亡後。給予應得家產之人。永為定例。○十二年題准。世爵無人承襲者。其妻照夫爵秩。給俸銀祿米之半。養贍終身。○十三年議准。宗室內無人承襲者。郡王福晉。歲給

俸銀一千五百兩。貝勒夫人八百兩。貝子夫人五百兩。祿米隨銀支給。公將軍夫人給其夫俸銀祿米之半。○又題准。官員已故。其妻服制內。照夫品級。給予半俸銀米。服滿停止。○十五年議准。宗室福晉夫人等寡居。其子未襲封以前。給予半俸。○十八年議准。旗員年至六十以上致仕者。照原品給予半俸銀米。○康熙七年題准。外任旗員。有革職休致。仍留世爵者。該都統咨部。以到京為始。給予世爵俸祿。○十二年議准。旗員年至六十告老解任者。分別食俸深淺。

有無效力。以應否給予半俸。具題請

旨。未至六十告病解任者。不准給俸。駐防官弁告老。仍在外省居住。及漢軍任綠營官。年老告退回京者。不給半俸。內府佐領官。及有世爵承襲者。亦不准給。○五十六年議准。世爵未襲以前。有妻子者。准食半俸。已襲爵未及年歲者。亦准食半俸。至及歲上朝。准食全俸。○雍正十二年議准。八旗致仕官。奉

旨賞給俸祿。及身有世爵未承襲者。均照未及歲未上朝之世爵例。給以半俸。○十三年議准。八旗



寡婦。不論年歲。有無子嗣。情願守節者。兩族佐領具保。照例給予一年半分俸餉。該佐領等不得藉端勒索。○又議准。八旗已故官兵寡婦。年。至四十。已有子嗣。情願守節。向兩族人等取結。給予一年半分俸餉。令其守節。其年幼寡婦。不論年歲。有無子嗣。情願守節者。該佐領等即具保結。照例給予一年半分俸餉。准其守節。○又議准。定例。閒散宗室年及二十歲者。月給銀三兩。米三斛。父故後。其子不俟歲滿。亦給月餉銀三兩。閒散覺羅年及十八歲。月給銀二兩。米二

斛。其未及歲之覺羅。及給月餉米養贍寡婦。向無定例。均由各該旗酌量支給。嗣後宗室覺羅等已及歲者。照例支給。其養贍寡婦月餉。一概停止。至覺羅孤子。照宗室之例。父故後不俟歲滿。給其一子月餉銀二兩。如寡婦之子。內有一子食俸餉者。其餘子不得支給。孤子月餉。其已食孤子月餉之子。至食餉之年。不得仍前令其分居。更將一子指行月餉。覺羅寡婦乏嗣。有將其夫近支子弟一人。撫養為嗣守節者。承嗣之子。亦照孤子不俟歲滿例。支給月餉銀二兩。其

嗣子已及食餉之年。不得再繼一子支餉。如寡婦病故。其養贍寡婦之子。已及食餉之年。毋庸置議外。未及年歲者。其養贍寡婦月餉。即行裁扣。永為定例。○乾隆元年

諭凡大臣中有引年求退。奉旨以原官致仕者。均係宣力有年。素為國家優禮之人。雖經解組。仍當加恩。以示眷念耆舊之意。現在滿漢大學士。暨曾為部院尚書予告在家者。均著照其品級給予全俸。在京於戶部支領。在外於該省藩庫支領。永著為例。○又奏准內府佐領內管領下。年老無嗣及孤子寡婦。除

有產業者不給外。其應行養育之人。月給一兩錢糧。俟孤子長成。拔補驍騎執事等差。仍裁。○二年議准。各省綠營軍政致仕官員內。如有從前曾經出征效力者。雖年老衰憊。實難勝任。准其原品休致。仍令其子弟一人入伍食糧。如無子弟。給予守糧一分。以資養贍。○又奏准。八旗設養育兵。以養贍寡婦幼子。凡有二人缺。遴選三人。給予餉銀二兩。原食餉銀三兩者。仍給三兩。如養育兵年至二十五歲。不能射箭入選護軍驍騎者。即行革退。或充步軍。至養育兵內。有

父兄陣亡子弟孤寒。本身殘疾者。仍給養育兵餉。以資養贍。○三年

諭大學士尚書內原品休致大臣。給食全俸。永為定例。從前諭旨如自奏乞休。朕加恩准令原品休致者。著即照此旨給食全俸。其遇京察自陳。朕加恩准原品致仕者。該旗該部以應否給食半俸。具奏請旨。若非自行奏請。朕特旨令其原品致仕。又遇京察自陳。部議致仕人員。不必給食俸祿。至於八旗武官。具呈告退。均有量其軍功給食俸祿之例。嗣後一二品武職大臣。若自行奏請。朕加恩准令原品致仕者。著該旗

察其軍功。及食俸年分。以或給全俸。或給半俸。具奏請旨。若非自行奏請。朕特令其原品致仕者。不必給食俸祿。○又

諭從前

聖祖仁皇帝時。曾將陣亡兵丁之寡婦無依者。永食半俸錢糧。今八旗寡婦無子嗣。又無家下食錢糧可依之人。皆各加恩賞給錢糧。况陣亡兵丁之妻。其夫為國捐軀。又守貞節。其情更屬可憫。宜格外加恩。著交與八旗將陣亡官兵之寡婦等。除有子嗣當差。或家下奴僕有食錢糧可依者不議外。如無子嗣。或子年

幼。又無家下食錢糧可依之人。各照其夫原官。給予半分俸銀俸米。若係兵丁。給予半分錢糧。俾永遠受恩。陣亡之人。無妻止有父母者。果無子嗣。又無可依錢糧。亦照此例給予。○又奏准。八旗賞給半俸半餉官兵寡婦。悉照其夫所食正俸正餉。折半給予一年。又八旗原食半俸餉。陣亡官兵寡婦。即有子。選為養育兵者。仍准照數給予。以資養贍。俟其子長成。或充各執事。其所得銀米。計足抵寡婦所食一半俸餉銀米時。再行停止。○又議准。八旗兵丁病故後。其妻寡居。向支一年半分錢

糧。惟前鋒護軍領催。驍騎曾在軍前效力。又經得有軍功後。因病或殘疾告退。及年六十以上告退者。不論有無房屋可倚。並有無子孫現在食餉。每月給銀一兩。米一斛。若在軍前未立軍功者。無房屋。又無現在子孫可倚者。亦月止給銀一兩。此等人年老病故之後。其妻寡居。更屬可憫。應照其夫食過錢糧之數。給予一半銀米。其無米者。亦月給銀一兩。○又議准。凡八旗病故官員。其妻例應支食周年半俸。惟世爵未領周年半俸之前。一經承襲。不准請領。嗣後未及



支領周年半俸。世爵已經承襲者。係子孫及親兄弟承襲。不准給領外。如旁支承襲。族分較遠。其寡婦周年半俸。仍准支領。○又議准。八旗未經上朝之世爵。凡有承襲絕嗣之雲騎尉。或因年幼未上朝者。照依應食半俸之數支領。○五年

諭。今各部院將不能辦事年老官。查奏休致。朕思旗人皆賴俸餉度日。一經休致。必致失所。殊非朕愛養旗人之意。向例武職官。因老病不能行走休致者。視其勞績。或賞全俸。或賞半俸。以養餘年。今休致文官。皆

壇

現在行走之人。雖不能在部辦事。若委以旗下看守直班之任。尚能行走。且藉此得俸養贍。可以不至窮困。將此等休致文官。交與各該旗大臣。照依原品官級。與武職官一例給食俸祿。暫令在旗行走。俟其本旗步軍尉。及守護

廟尉吏城門領員缺。即對品坐補。○又

諭。朕思兵丁捐軀行陣。情實可憫。其掾支銀。理應豁免。若必待特降諭旨。恐其中不無一二遺漏。著為定例。凡遇有此等事件。該部援例請免。庶恩卹之典。可垂久遠。○又覆准八旗官兵物故。其妻守節者。均照例

給食半分俸祿錢糧一年。其開戶兵丁之妻。不  
准支給。如開戶人等內。有出兵中傷得功牌陣  
亡者。亦照正戶人等之例。給賞周年錢糧。○六  
年議准。駐防官兵身故。寡妻願歸旗者。俟到京  
後。照在京八旗之例。支給半俸半餉。其正戶官  
兵之寡婦。願留彼處。倚靠子姪親族。養贍守節  
者。照在京八旗之例。不論年歲。及有無子嗣。該  
管官具保。給予半俸半餉一年。如係年老告退。  
因有軍功。食半俸半餉之寡婦。亦照在京之例。  
仍按其夫所食半俸半餉之數。給予。如原係世

爵子孫。已經承襲領俸者。寡婦半俸。停其支領。

○又奏准。八旗無依寡婦。給予養育兵錢糧。養

贍終身。○七年議准。八旗游牧察哈爾內。有已

故官兵之寡婦。情願守節者。均照在內八旗之

例。支給半俸半餉一年。○又奏准。下五旗入於

公中府屬佐領下。無力養贍之孤寡人等。照上

三旗內府佐領內管領下之例。每月給予一兩

月餉。如人口稀少者。月給銀一兩。不給米。○十

一年議准。定例。宗室年二十者。月給餉銀三兩。

雖足養贍家口。閒有子息衆多。未及歲者。一分

月餉。難以敷用。嗣後十歲以上之宗室。均月給銀二兩。俟年至二十。仍給銀三兩。○十二年議准。外省回旗寡婦俸餉。在外支領本色者。回京後。照其夫原食之數。給予一半本色。在外支領折色者。回京後。給予一半折色。如係半本半折者。亦照半本半折給予。○十四年奏准。嗣後親王以下。宗室公以上。其福晉夫人。遇有寡居。其子未襲封以前。毋庸給予周年半俸。至鎮國將軍以下。爵秩與品官相同。仍照舊例。支給半俸一年。○十五年議准。八旗世爵。因病停俸。雖與

現任不同。但病痊即得起用。病故亦准承襲。應給其妻半俸一年。若革職留任。雖期滿開復。究非無事故者可比。其妻不便支給半俸。至降級留任之員病故。仍照所降之級。支給其妻半俸一年。○十八年奏准。八旗革職官。未完罰俸銀。前經奏准。照外官之例。一例追繳。但該員無力交納。催追終屬無益。嗣後如有未完罰俸銀。暫行註冊。有開復原官。及再行起用者。照數扣繳。○又奏准。八旗世爵官。未及歲者。例支半俸。嗣後如年幼世爵。隨其父兄外任。其半俸概行停

止。俟回京後給予。○又奏准。八旗外任營員。以老病告休歸旗。因有軍功。給予全俸半俸者。照在外原食俸銀支給。較之在京旗員。不及十分之五。似覺有名無實。若照在京旗員之例。一例按品支俸。又未免過優。嗣後八旗外任營員告休。有軍功賞給全俸半俸者。按其原品酌減一等。照在京旗員之例。支給俸銀俸米。外任告休文職。有因軍功賞俸者亦如之。○又奏准。嗣後八旗養育兵缺。每原額三名。增設一名。各給銀一兩五錢。○又奏准。八旗駐防官。因老病告休

歸旗。遇有軍功賞給全俸半俸者。其俸米照在外之數開支。較在京旗員應支俸米。為數轉多。應照在京之例給予。○又奏准定例。閒散宗室。十歲以上者。月給銀二兩。二十歲者三兩。閒散覺羅十八歲者。月給銀二兩。今宗室覺羅有升任外省者。其隨任子弟。應否支領銀米。例無明條。嗣後宗室覺羅有升授

### 陵寢及

盛京等處官者。非外省可比。其隨任子弟。仍准支領。餘皆停止。俟回京後給予。○二十一年奉



旨。王公薨逝。無子襲封者。親王郡王福晉。歲給銀千五百兩。貝勒貝子夫人五百兩。俸米如之。○二十三年。議准。在京及駐防八旗三品以下告休。勒休武職。分別軍功年歲。奏准賞俸。或全俸。或半俸。均按原品京俸銀米支給。由外任文職告休回旗。因軍功奏准賞俸者。減原品一等。亦以京俸銀米數目支給。其王公門上。及由綠營武職休致。不得援例請支。○二十四年。奏准。直省綠營兵丁。遇有紅白事件。官給賞銀。白事若本身及祖父母父母妻子。紅事若娶妻嫁女娶媳。凡祖父

母父母白事。如子孫多人俱在領賞之例者。但視一人給予。娶妻嫁女紅事。無論長子次子。長女次女。均准給賞。○又

諭營運生息。本非政體。直省營伍。雖藉以賞恤兵丁。而終為權宜。將八旗生息銀兩。即行停罷。以鹽務餘款充賞。至綠營兵衆用繁。儻一概議停生息。而不籌一經久充賞之策。或致因噎廢食。著傳諭各督撫。各就情形悉心籌畫。詳議具奏。欽此。遵

旨議定。各省綠營駐防八旗紅白賞項。直隸省之保定駐防。並綠營兵丁。以裁扣公糧銀充賞。山西省

之太原駐防。並綠營兵丁。以裁汰空糧銀充賞。河南省除南陽鎮標。以地租銀湊放外。其餘綠營並駐防滿營兵丁。均以鹽當規禮銀充賞。江南江西二省綠營兵丁。以裁兵餉銀充賞。如有不敷。兼動駐防餘賸銀兩。陝西省綠營兵丁。以朋扣馬價銀充賞。○又奏准。軍營殘疾駁回人等。如係打仗殺賊受傷。立有軍功者。作為頭等。給予原餉銀米。打仗殺賊立功者。作為二等。給予馬甲錢糧銀米。尋常行走者。作為三等。交與該旗照例辦理。○二十五年奏准。札薩克台吉。

在軍營效力陣亡。議敘世襲台吉者。照頭等台吉俸銀減半給予。○又

諭游牧索倫達呼爾等。向來並不支食俸餉。近年索倫達呼爾出兵效力。朕甚軫念。著嗣後賞給一半俸餉。游牧索倫達呼爾食餉兵丁。著作為二千名。○二十七年覆准。宗室覺羅等生有子嗣之妾。在夫後身故者。准照所生之子品級支給賞銀。若子身故。即照伊孫品級支給。○又奏准。由京補放駐防官員身故。其妻在該處未支周年半俸銀米。即已回京者。到京後准其補支。其米色數目。即

照京員例覈給。○又議准。八旗副都御史以上文職。副都統。散秩大臣以上武職。下五旗王公包衣官員。直省外任旗員。凡有紅白事件。均不准請賞。其餘分別給予賞銀。○又議准。八旗世職。及三品以下文武職任官員病故。如蒙

特恩賞給銀兩者。該旗不准重複請賞。○又議准。世職兼職任官在三品以下者。照品賞給。如所兼職任。係副都御史。副都統。散秩大臣以上職官。不在應得賞俸之列者。不准援世職請賞。○又議准。侍衛。藍翎侍衛。鑾儀衛官。或身兼世職。及

別任者。凡本身病故。由領侍衛處鑒儀衛賞給。其餘紅白事件。按照品級。由旗咨部請賞。○又議准。文武職任官兼攝在三品以下者。照品賞給。○又議准。三品以下官員內。銜大俸小者。照所食俸銀之品賞給。○又議准。各衙門額外行走官員。照品賞給。○又議准。賞銜食俸人員。在三品以下者。照品賞給。空銜頂戴。不食俸不當差者。不准請賞。○又議准。賞銜在二品以上者。雖所兼職任在三品以下。不准照本身請賞。○又議准。休致食全俸官。照原品全數賞給。食半

俸官。照原品減半賞給。不食俸者。不准請賞。○  
又議准。食半俸之世襲雲騎尉。及年幼食半俸  
之世職。均照品減半賞給。其因病停俸世職。不  
准請賞。○又議准。降級留任革職留任官。照原  
品減半賞給。緣事降調。未經得缺者。不准請賞。  
○又議准。官員祖父。母。父母病故。不在應得賞  
俸之列。有子孫多人。准照一人品級賞給。如病  
故之人。原在應得賞俸者。仍照本身賞給。不准  
援伊子孫職官請賞。○又議准。官員本身病故。  
照本身品級賞給。若其父亦係職官。不准以子

故請賞。○又議准。官員娶妻。妻故。照本身品級賞給。若其父亦係職官。不准以娶媳。媳故。重請賞給。○又議准。官員之子病故。不在應得賞俸之列。如在十六歲以上者。照伊父品級賞給。十五歲以下者。不准請賞。○又議准。官員娶媳。媳故。其子不在應得賞俸之列者。照伊父品級賞給。○又議准。官員嫁女。照伊父品級賞給。○又奏准。副都統。副都御史以上職官。祖父母。父母病故。本身雖在應得賞俸之列。不得照本身請賞。副都統。副都御史病故。其子孫亦不得援例。



請賞。子孫娶妻以及病故。本身在應得賞俸之列者。若係分居。照本身賞給。如係同居。不准請賞。○又議准。官員紅白事件。咨部請領賞俸。文內敘明祖父子孫。是否現任副都統。副都御史以上職官。娶媳。聲明伊子孫當何項差使。副都統。副都御史之子。係本身請賞者。均查明是否分居。逐一聲註。取具參佐領印結。送部覈給。○又議准。旗員賞俸。遇有白事。於旗庫內先行給發。再行取戶部庫銀填補。紅事毋庸先給。○又議准。官員紅白賞銀。該旗每月底造冊。咨送查

旗御史查對。○又議准。官員賞過銀數。半月一次。咨送提督衙門查覈。○又議准。兵丁紅白事件。不在官員賞俸例內者。均照本身應得款項。在旗庫支領。如伊等祖父子孫內。現任副都統。副都御史以上大臣者。如係分居。照本身賞給。若係同居。不准請賞。○二十九年議准。紅白事件。在屯居住人等。雖伊子孫在京當差。不准給予。如在城外墳塋居住者。照在京居住人等一體給予。○三十二年議准。革職留任護軍校等。紅白賞銀。照銜賞給。○三十三年覆准。熱河養

育兵賞銀。除九歲以下不給外。其十歲以上之兵。紅事賞銀三兩。白事賞銀六兩。○又

諭前以各省駐防綠營。俱有生息銀兩。為兵丁等紅白賞卹之用。雖事屬久行。終非政體。曾令督撫等各就本省情形。酌量籌畫。以次抽撥停止。乃自二十四年降旨以後。駐防兵丁。惟保定河南太原三處綠營兵丁。惟直隸河南江西山西陝西五處業經議停。其餘如江南省。雖以裁糧充賞。而城工未畢。生息猶在。亦宜一體盡撤。今查已停各省中。或以裁兵扣餉。作為賞卹。或以朋扣馬價。及鹽當規禮撥充。辦理均有端

緒。其未停各處。豈必盡無別項。可以通融調劑。正當詳悉措置。使恩賞有資。而此等生息名目。一切蠲除。傳諭將軍督撫等。是否尚有兵糧可裁。及有無別項。可以動用經理。使此項銀兩。通融永停。欽此。遵

旨議定。各省綠營駐防八旗紅白賞銀內。

盛京八旗。黑龍江。齊齊哈爾。墨爾根。呼蘭。吉林。甯古塔。琿春。伯都訥。三姓。拉林。阿勒楚喀等駐防兵丁。以旗民餘地租銀充賞。熱河。張家口。山海關。古北口。昌平。寶坻。霸州。米育營。良鄉。東安。固安。喜峯口。羅文峪。冷口。盧龍。五田。三河。順義。滄

州。雄縣。獨石口。千家店。綏遠城。右衛等駐防兵丁。以綠營裁扣公糧銀充賞。青州。德州。廣州等駐防兵丁。以裁存兵餉銀充賞。江甯。京口等駐防兵丁。以水師營節省船工等銀充賞。福州駐防兵丁。以鹽務長價錢水項下銀充賞。杭州。乍浦等駐防兵丁。以餘引租價銀充賞。不敷兼動帑鹽贏餘銀兩。荊州駐防兵丁。以兩淮鹽課項下。解到布稅銀充賞。不敷兼動朋扣銀兩。西安駐防兵丁。以朋馬料草節省播種苜宿節省暨餘贍官房租銀充賞。涼州。莊浪等駐防兵丁。以

官建鋪面房租銀充賞。甯夏伊犁烏魯木齊巴里坤等駐防兵丁。以營中官房地租暨支放錢糧平餘等銀充賞。成都駐防兵丁。以馬廠地租暨加卯鼓鑄餘息等銀充賞。直隸省綠營兵丁。以裁兵丁糧銀充賞。山東浙江陝西湖南等省綠營兵丁。以朋扣馬價銀充賞。湖南省賞款不敷。兼動裁兵餉銀。雲南貴州廣東等省綠營兵丁。以裁扣兵糧充賞。廣西省綠營兵丁。以節省兵糧銀充賞。不敷。兼動朋扣銀兩。四川省綠營兵丁。以加鑄帶鑄餘息銀充賞。甘肅省綠營兵

丁。以節省餉銀充賞。不敷。兼動朋扣銀兩。湖北省綠營兵丁。以鹽規銀充賞。福建省綠營兵丁。以官莊租銀充賞。不敷。兼動建曠銀兩。山西省綠營兵丁。以扣留空糧銀充賞。不敷。於撤回生息贏餘銀內湊撥。○三十五年議准。八旗官兵紅白事件。每三月後。由戶部彙總奏

聞。儻有捏報冒領。即行具奏辦理。○三十六年

諭。養育兵一項。特以該兵止食單身錢糧。而家口衆多。及鰥寡孤獨。並無依倚之人。俾得資其養贍。而設。准其每兵三名。給予一缺。即給予單身錢糧。家口衆多。

者。其鰥寡孤獨。不必令其分占此額。另行加恩。動用  
戶部庫銀。每人每月。各賞養贍銀一兩五錢。若係孤  
子。年至十二歲。即挑補養育兵缺。又可使此四項無  
依者。得以從容就養。而旗人得以永遠承受朕恩矣。  
著交八旗大臣。妥協均勻籌辦。欽此。遵

旨議定。實無依賴之鰥夫獨民孤子。無嗣又無親翁伯  
叔之寡婦。每人月給銀一兩五錢。漢軍旗分。毋  
庸給予米石。滿洲蒙古。歲給米一石六斗。○三  
十八年覆准。

陵寢茶飯上人。閒散拜唐阿等。遇有病故者。伊妻寡婦。



照其夫所食錢糧。給予半分。周年而止。伊子現在當差者。亦同此例。如雖有子嗣。年幼未曾當差。並守節孀婦。並無子嗣者。均准給予養寡婦糧。每月給銀一兩。米一石。○三十九年奏准。健銳火器二營。養育兵內。如因父兄病故。及殘廢。駁回原旗者。毋庸扣裁錢糧。其因父兄升遷回旗者。仍照向例扣裁。○又奉

旨。旗人補用綠營。及綠營中漢員。遇有陣亡議廕。其子孫年未及歲者。俱一體賞給馬糧一分。著為令。○又覆准。杭州駐防裁撤步甲。作為養育兵丁。遇有

紅白事件。照乍浦賞銀之例給予。其應借公濟銀兩。照賞銀之數借給。○又議准。各省駐防孀婦孤子。紅白賞銀多寡不齊。酌定紅事賞銀三兩。白事賞銀六兩。以歸畫一。○四十一年議准。西安駐防鰥寡孤獨。每名每月賞給銀一兩。以資養贍。於馬廠餘贍租銀並月支兵餉平餘銀內動支。○又奏准。八旗回子人員挑補侍衛。及三品以下職任官員。與旗員一體當差者。遇有紅白事件。照京員之例。按其職任品級俸銀數目。分別賞給。如有品級頂戴。並不當差行走者。

不得賞給。○又議准。各旗養贍銀兩。嗣後孀婦內。如親翁及親伯叔兄弟。係現任五品以上武職。六品以上文職。及外任職官。有翁姑子息親孫。現食錢糧。並有房地者。又孤子內有母現食恩賞錢糧者。俱屬有人可倚。毋庸給養贍錢糧外。其伯叔兄弟係兵丁。並前鋒校。護軍校。驍騎校。筆帖式等微員。俱給養贍錢糧。○又議准。駐防官兵身故。其妻矢志守節者。照在京八旗之例。不論年歲有無子嗣。支給周年半俸半餉。若軍功告退。仍食半俸半餉之官兵身故。其妻守節者。

亦照在京八旗之例。按伊夫原食俸餉全數之半。支食一年。至身故世職官之妻。有子襲職領俸者。停其所支半俸。○又奏准。孀婦病故。視其子孫所食錢糧賞給。如無子。或子幼未當差者。其夫原係職官。照領催例賞給。係告休職官。照馬甲例賞給。係革職勒休官。照養育兵例賞給。○又奏准。孀婦病故。其夫原係食餉兵丁。及因病告退者。照其夫原食錢糧賞給。若係革退兵丁及閒散人等。俱照養育兵例賞給。其從前親族承辦喪事之例。永行停止。○又奏准。陣亡無

嗣官員之妻食終身半俸者。病故。照領催例賞給。兵丁之妻食終身半餉者。病故。照伊夫原食錢糧賞給。○又奏准。西安駐防印房筆帖式。係前鋒領催考補。所得俸銀。反較原餉減少。應於徵收滿城房租銀內。每員月給銀三兩。以資添補。○又奏准。派往北路屯田駐紮大臣。賞給本任二年正俸。○四十二年奏准。世職告休之員。賞給全俸半俸者。其所兼世職。毋庸另襲。仍留該員本身。俟身故後再行辦理。如兼世管佐領。有辦事之責者。不便仍留本身。應照例承襲。如

係伊子承襲。毋庸另行請俸。如係兄弟之子承襲。聲明緣由。請

旨遵行。○四十三年奏准。

恩賞外藩王公及廷臣銀兩。各該處行文戶部支領。歸於庫總覈銷。如有緊要需用。暫由內務府廣儲司給發。仍報明戶部。照數撥還歸款。內府家務等項賞用銀兩。專交廣儲司覈給。毋庸報部存檔。○又

諭八旗無依孤女。即照孤子一體給予錢糧米石。俟出嫁後裁汰。○又覆准八旗無依孤女。欽奉

恩旨。照孤子一體給予錢糧。其出嫁紅事。應照本身所食錢糧。給予賞銀四兩。白事照養育兵病故之例。按本身所食錢糧一體給予。○又覆准。在京八旗世職官員。緣事應行降調。照例以折罰半俸議抵者。遇有紅白事件。照原品應得之數減半請賞。如本身未經扣完。旋即出缺。移於承襲之人。接扣者。遇有紅白事件。仍按承襲品級全數賞給。○四十四年覆准。金川新疆辦理屯防。每年動支賞項。需銀一千二百兩。採辦各物。運交總理文武大員。隨時支賞。如有餘賸。留為下

年之用。○又

諭八旗贖回入官老圈地畝。仍官為取租。將每年所得之租。解送戶部。分給八旗賞賚兵丁。著戶部八旗。將如何均勻分給之處。熟籌詳議具奏。欽此。遵

旨議定。八旗應行領賞兵丁。除田地。在二頃以上。及住房之外。有取租鋪面房產者。均不得濫給。至兵丁內有勤謹當差者。無論有無產業。俱准領賞。在旗由該都統等查辦。在營由該管大臣查辦。不得互相重複。以至冒濫。應賞銀數。按兵丁現食錢糧。加倍給賞。○四十五年



諭直隸旗租銀。經部議挑選八旗兵丁中差使勤慎者。賞給兩月錢糧。今思一人得兩月錢糧。亦不能立家產。而不得賞者。未免向隅。其分別挑選該管官員。不無瞻徇出入之弊。殊非朕普惠八旗兵丁之意。此後將直督解到銀兩。足敷普行賞給兵丁一月錢糧時。該部即奏聞普賞一次。○又議准各省駐防已故官員之妻病故。照伊等子孫所食錢糧。應得銀兩數目。一體賞給。○四十六年覆准四川省新設五營額駐兵丁紅白賞項。照內地各營之例。一體賞給。充當水手者減半。○又

諭各省行伍賞卹兵丁紅白銀兩俱著於正項支給報

部覈銷○四十七年

諭旗人在外任自行告休回旗若有世職該旗驗實尚  
能當差者著將世職仍留本身賞給正俸若不能勝  
任而又不自行具呈致被上司勒令休致者本身雖  
有世職亦不准給俸永著為例○又議准每年解到  
旗租銀兩如足數賞即奏

聞賞給如不敷分賞即奏明在於積年餘存旗租項  
下賞給如部庫內亦無積存即照乾隆四十五  
年

諭旨。不行賞給。下年亦不補賞。○又

諭。和闐阿奇木伯克患病。呈請退任。准其原品休致。仍念伊效力著績。著於應得養廉之項。賞給三分之一。嗣後如有出師效力者。俱照此辦理。○又

諭。熱河額魯特之官兵。駐在熱河年久。著施恩孀婦等。每月賞給一兩錢糧。以濟生計。將此永遠為例。○又覆准。駐防八旗陣亡官員之妻。守節者。照伊夫原俸支給一半。如子年未及歲。雖已承襲職官。仍准支食寡婦半俸。其子應得半俸之半。暫行停止。俟及歲應食半俸時。再行停止寡婦半俸。

○又奏准。巡捕營兵丁所需賞卹銀兩。每年提督衙門。作為兩季赴戶部關領。○四十八年議准。成都滿營陣亡之子弟。及孤獨人等。如有無力者。於賞給養育兵餘賸銀兩內。每名每月酌給銀數錢。以備讀書之費。○又覆准。八旗陣亡兵丁之妻。無子不嫁者。雖前屬再醮。亦照伊夫原食錢糧之半。支給終身。○四十九年議准。烏魯木齊。巴里坤。二處殘疾退糧之礮手。馬甲人等。於官當舖利銀內。每大口。月給銀六錢。小口。月給銀三錢。鰥寡孤獨人等。每月各給銀一兩。

以資養贍。其古城吐魯番二處殘疾人等。仍於養育兵錢糧內通融支給。○五十年議准。獨石口千家店二處添設養育兵二十八名。照張家口養育兵之例。每名月支銀一兩五錢。本色米八斗。米折銀二錢一分。二處孀婦孤子並殘廢閒散人等。照京城鰥寡孤獨人等之例。每名月給養贍銀一兩五錢。歲給米一石六斗。○又議准。圍場兵丁紅事實銀四兩。白事實銀八兩。養育兵及孀婦孤子紅事實銀三兩。白事實銀六兩。鰥寡孤獨每名月給養贍銀一兩五錢。孤子

俟成丁挑披甲拜唐阿時裁汰所需銀兩。於直隸藩庫領出。存熱河道庫。分別賞給。○又奏准雲南省提標孤寡兵眷口糧。仍將該標自置漾濞二莊田畝給還。歲收租息。即為贍恤之用。○又覆准文武兼任人員病故。如文職任內緣事革職留任。照例止扣文職

恩俸。仍支食武職正俸之員。其妻亦照伊夫原食武職正俸銀米之半。給予周年。○又奏准山海關駐防兵丁孀婦之幼子。無論有無親族可依。於孀婦支食周年餉銀米石滿日。照京城養育兵

之例。每月給銀一兩五錢。俟及歲披甲之日裁汰。○又奏准。杭州駐防兵丁內。鰥寡孤獨及家無錢糧人等。年在十歲以上者。每名月給錢一千文。九歲以下者。每名月給錢六百文。步甲養育兵。每戶月給錢一千文。在馬廠地租內支給。如遇閏月。在撤回馬匹所贖草價錢文內添給。○又覆准。八旗兵丁被毆身死。經刑部將行兇之人治罪擬抵者。白事實銀。並伊妻孀婦周年半餉。照病故兵丁一體支給。其未完庫銀。亦照病故兵丁之例。一體寬免。○五十一年議准。巡

捕營兵丁。紅事如本身娶妻。子女娶嫁。賞銀二兩。白事如父母及本身妻室。賞銀四兩。凡白事或有父子兄弟同在營食錢糧者。不得重領。其漢軍兵丁有父子兄弟在旗當差者。令其在旗領賞。若無在旗當差者。由旗出結咨送提督衙門。照例在營領賞。○又覆准。河南省駐防新添步甲。紅事賞銀四兩。白事賞銀八兩。○五十二年

諭上虞等處食二兩錢糧之拜唐阿等。均著照馬甲例。賞給三兩錢糧。其已經坐補馬甲等缺者。著歸併各



該處佐領管領。○又覆准。由京及各省移紮兵丁。或有未到駐防處所。在途病故者。准照各處駐防應賞條款。一體給予白事銀兩。○又覆准。三品以下武職官員。賞給散秩大臣職銜。仍食本任俸祿。不支養廉。隨甲者。遇有紅白事件。照三品以下官員之例給予。○五十三年奏准。伊犁滿城鰥寡孤獨。由該處滿營存儲馬價銀內。撥出銀四萬兩。交陝甘二省殷實商民。一分起息。以作養贍之用。○又議准。臺灣換防兵丁。遠涉重洋。費用較多。照新疆換防兵丁之例。一體支給。

行糧坐糧。以資養贍。○又

諭前因四川屯練降番。派往臺灣勦捕賊匪。甚為出力。已將額設土外委加給銀兩。此次償拉捉浸。帶領降番。隨同官兵征勦。均屬奮勇。所有額設土守備土千總土把總土外委。俱照屯練土弁之例。分別賞給錢糧。以示獎勵。○又覆准。食孤寡餉銀孀婦。如由母家接出。並無子嗣族人者。其長支米折銀兩豁免。

○五十四年

諭盤山看守行宮。委千總二名。著每月各賞給餉銀二兩。兵丁內將現在當差好者。揀選十名。每月各賞給

餉銀一兩五錢。○又議准甯夏滿營養贍孤寡錢糧並獎賞兵丁銀兩均於該處房地租及兵丁錢糧平餘銀兩暨庫存節年應用餘賸銀兩內支給。日後人數加添實在不敷在正項銀內撥補。○又奏准吐魯番滿兵內養贍鰥寡孤獨並獎賞熟練騎射烏槍兵丁銀兩在空閒教場地畝及土房租息內分別賞給。○又議准江甯駐防新添養育兵三百名京口駐防新添養育兵一百名均每名月給錢糧銀一兩在地丁銀內支給。○又議准伊犁八旗領催披甲人等有曾經

出兵打仗立有軍功。或年老有疾不能當差。具呈告退者。每名月給銀一兩。以養終身。○又奏准。廣州駐防酌裁甲兵十四名。作為養育兵二十八名。每名月支銀一兩。分給眷多糧少之拜唐阿。以資養贍。○又

諭涼州馬甲錢糧裁改十缺。作為養育兵三十名。莊浪馬甲錢糧裁改五缺。作為養育兵十五名。以養贍孤寡。○又議准。成都滿營增添養育兵二十四名。在開墾水旱田地租銀內。每名月給銀一兩。遇閏加增。○又覆准。駐防兵丁娶民人之女為妻。紅事

應賞銀數一體賞給。○五十六年議准。四川省打箭鑪口外裏塘地方。添派土兵一百名。動用藩庫賞番錢文。每年買茶一百包。按名給賞。○又議准。熱河當差額魯特。除養鴉虎海青食正餉之拜唐阿。仍支給正餉外。其原食二兩錢糧之領催等。給予三兩餉銀米石。食一兩五錢錢糧之披甲人等。給予二兩餉銀米石。至不能當差之養育兵。給予半分錢糧。以資養贍。○又議准。隨征立功兵丁。未補職官。收標效力者。給予目兵糧餉。年老不能差操者。給予守糧。○又議

准出征陣亡病故兵丁。子弟內有可訓養成材者。令其頂補本兵糧餉。如子弟幼小。不能食糧者。給予半餉銀米。俟年至十六歲。堪以頂補食糧之時。即行停支。其無子弟者。俟該故兵現存之祖父母。父母眷屬亡故之日。截支。陣亡病故官員家屬無可依靠者。給予半餉。其打仗未出。及迷失衝失弁兵。照陣亡例減半議卹者。所遺眷屬。照此例減半給予。○又議准。都司守備以下員弁。老病告休者。查明實有出兵效力之處。令其子弟一人入伍食糧。無子弟者。給予守糧

一分。以終養贍。勒休員弁。不得給予。○又議准。曾經出征效力兵丁。被傷患病。致成殘廢。或年老辭退。如有子孫食糧者。月給餉米三斗。無子孫在營食糧者。給予守糧一分。以資養贍。○又議准。八旗應得卹廕綠營都司守備千把總等官。發文巡捕營學習者。各給予馬甲錢糧一分。以資差操。○又議准。出征打仗受傷。續經傷發亡故之員。廕子弟一人。按品食俸。其年未及歲者。給予半俸。俟隨營學習時。按品支食全俸。○

又

諭綠營告休人員。年屆六十以上。曾經打仗受傷者。著照旗員之例。一體給予全俸。著為令。○又議准。守備以上等官。老病告休。曾經出兵打仗受傷。年在六十以上者。給予全俸。年在五十以上者。給予半俸。千總把總外委等。出征受傷。續經辭退。勒令開缺者。給予步糧一分。旗員補放綠營武職。本身兼有世職。在外呈請休致人員。回旗不能當差。給予全俸。若不能任事。並不自行呈請。經上司勒休者。雖有世職。不給俸祿。○又覆准。八旗世職官員。曾祖父母病故。伊子孫或亦經物



故者。其賞俸銀兩。照伊曾孫現任品級。援照祖  
父母病故之例。賞給。○又覆准。八旗官員兵丁  
生有子嗣之妻。在夫後身故者。無論有無嫡母  
繼母。照宗室覺羅之例。按伊子品級職分。賞給  
白事銀兩。○又覆准。武職告休人員。年在五十  
以下。曾經打仗受傷。及得有功牌。並無子嗣產  
業可倚。實係患病不能起用者。給予馬甲錢糧  
一分。○五十七年

諭額魯特官兵紅白事故。照熱河滿洲官兵之例。一體  
給予賞銀。○又覆准。由京發遣伊犁食半餉另戶馬

步甲。紅事賞銀三兩。白事賞銀六兩。其子弟已支食錢糧。仍照本身現食錢糧辦理。身故時。伊妻孀婦。與伊夫原食半餉之半一年。○又議准。西安駐防八旗鰥寡孤獨。每名月支養贍銀一兩。遇閏加增。如一戶二三口者。酌量每口添給銀五錢。於牧廠地租並錢糧。截餘官鋪租銀內動支。○又覆准。八旗防禦。及在京支食七品京官俸祿各員之子。所挑養育兵。均予存留。以資養贍。○五十八年

諭各省督撫。有咎應革職。而邀恩留任。應行議罰者。著

即自請停支養廉。不必另請議罰。所有應罰養廉。仍准支用一半。俾資用度。○又覆准。由京發往伊犁充當食半餉步甲。如遇在途病故。隨行妻室在伊犁安插者。照伊夫應食步甲半餉。減半支給一年。○又覆准。八旗兵丁自盡身死者。查明實無畏罪情由。照病故兵丁之例。給予白事賞銀。未完庫銀寬免。伊妻孀婦。仍照伊夫原食餉銀之半。支給周年。○又

諭出征陣亡之屯練降番。著加恩照綠營步兵之例。賞卹銀五十兩。以示體恤。此後永以為例。○又

諭熱河看守行宮官兵。平素當差奮勉。紅白事件。照熱河滿洲額魯特之例。賞給銀兩。○五十九年覆准。軍營病故綠營武職人員。議廕八品官。歲支俸銀四十兩。年未及歲。給予半俸。年已及歲。收標學習者。給予全俸。○又

諭太原駐防滿洲兵丁絕嗣。入官地畝。賞給該營。作為養贍孤寡之用。各省入官地畝。全行撤出。俱存留該營。以備增添。○又

諭維州協所屬雜谷乾堡等五寨屯練兵丁。屢次調派。無不奮勉爭先。將五寨餘丁一千五百名。每名每年。

照正額餉銀六兩之例。減半賞給銀三兩。以示朕惠愛番民之意。○又奉

旨。江甯京口公費銀兩內。每年動支銀一千一百餘兩。以為養贍兩處孤寡之用。每名各給養贍銀一兩。○六十年覆准。山東青州德州二處駐防孤寡。由司庫充公銀兩。撥出銀七千二百五十七兩零。移交運庫。飭令殷實商民一分起息。以作養贍之用。○又議准。綏遠城駐防之孀婦孤女。每月給銀一兩。於牧廠開墾空地租銀內動給。○又覆准。

盛京錦州熊岳開原遼陽鳳凰城

興京牛莊廣甯義州岫巖復州金州蓋州水師營  
等十四城。每城添設寡獨各四缺。每名歲給銀  
二兩。在絕嗣地畝租銀內動支。○又獲准。派往  
軍營及西北兩路換班官兵。如在中途病故。應  
賠馬價銀兩。免其追繳。於年底彙題豁免。○又  
獲准。孀婦內有自盡身死者。查明實無畏罪情  
由。照病故之例。給予白事賞銀。○又議准。直隸  
省宣化鎮。山西省大同鎮。派往烏里雅蘇台。並  
科布多。二處換防屯田官兵。參將遊擊守備千

總把總各賞給一年俸銀。外委馬步兵丁每名  
賞銀二十兩。